



07.oktober 2020

UKA2020/18

Uunga siunnersuut: Pisortat akiliisarneri il. il. pillugit Inatsisartut inatsisaat nr.xx, xx.xxx 2020-meersoq. (Aningaasaqarnermut Naalakkersuisoq)

Aningaasaqarnerup silarsuaani ukiut kingulliit annertuumik allanngoriaateqaqaaq. Aningaasat tigussaasut atorunnaariartorpavut aammalu akiliiniartilluta pinngitsoorata aningaaseriviliangikkalualuta nammineq angerlarsimaffimmiit imaluunniit mobilivut atuinnarlugit akiligassat nuutaassallu nammineq isumagilersinnaavagut.

Taama pisinnaalernerup nassatarinikuuaa annertuumik atuisutut eqaallisaavigineqarneq aammalu kiffaanngissutsimik misigisimaneq annertoq anguneqarpoq, minnerunngitsumillu piffissaq annertoq pingaaruteqartorlu isumatusaarnerusumut atorneqarsinnaalermat.

Pissutsit tamakku aqputigaavut qularutigineqassanngilarlu ukiuni aggersuni suli atortorissaaruteqarnikkut suli eqaannerulersitsinissamik nassataqartunik takusalerumaassangatta. Naalakkersuisut siunnersuuteqarnermikkut eqaallisaaneq atuutsilersinniarpaat, pisortani pisariillisaaneq sipaaruteqarsinnaanerlu aqputissiuunniarpaat.

Pisortat maanna aqqissuussaannut nutarterinerinut ingerlanneqartumi siunnersuut sakkussat ilaattut isigineqarpoq. Ukiuni kingullerni digitaliseringi tassalu qarasaasiaqarnikkut atortorissaaruteqarnermi pisortat ingerlatsivii oqilisaanniarlugit imminnut 'oqaloqatigiissitsissinnaalerniarlugit' sulinerat maanna aningaasarpassuarnik akeqalereersoq sulilu naammassinngitsoq tassuuna ilassutitut pilersaarutaanersoq erseqqissaassuteqarfigitikkusunnarpoq. Tamannami naammasseqqajangi-laq aningaasartuuteqarnerlu suli ingerlaannarluni. Suliassat isumatusaartumik piviusunngortitsiniernermilu piffissaliussap malinneqarsinnaaneranut tunngasut eqqummaariffigineqassasut isumaqarpugut. Taamatut oqarnitsigut isumaqanngilaq siunnersuut tapersinngikkipput, killormuanilli isumaqarpugut aningaasartuutikillisaanermut aqputit, eqaallisaanermut aqputit aammalu kiffartuusanut pisariillisaanermut aqputit ilassilluarlutigit.

Taamatut oqaaseqarluta siunnersuut taperserparput aningaasaqarnermut akileraartarnermullu ataatsimiititaliamut ingerlateqqillutigu.